


# 朝鮮史料汇编



中国文献珍本丛书

# 朝鲜史料汇编 (十六)

全国图书馆文献缩微复制中心

经略复国要编（卷一——卷七）

勅兵部右侍郎宋應昌近因倭奴陷沒朝鮮謀犯中國疊據李𤙖之奏報并我邊吏之上聞事屬不恭罪在不赦雖曾申飭督撫鎮道并添設練兵閱兵諸臣猶恐禦虜防倭難於兼濟畫地分守罔知同心今特命爾前去薊遼保定山東等處經畧防海禦倭軍務爾宜查照該部題准事理防守要害修繕器械近戰

船多儲火砲鼓舞士氣審察倭情一應  
戰守撫剿悉聽隨宜處置兵馬錢糧隨  
宜調度司道將領隨宜委遣應與總督  
官計議者從長計議而行勿執成心期  
利國事鎮巡以下悉聽節制文職知府  
以下武職叅將以下有怠玩畏避應拏  
問者徑自拏問應叅治者從重叅治務  
求將勇兵強戰勝守固倭奴敢為西犯

大軍先挫其鋒如其畏威遯歸亦當嚴  
兵慎守務以一倭不入為功從前防禦  
事情有處置未妥者悉聽爾計畫方畧  
以圖善後勅內開載未盡事宜悉許便  
宜區處應奏請者奏請定奪事寧之日  
具奏回部各鎮文武將吏及管糧官分  
別舉劾爾為重臣受茲特簡宜竭忠殫  
慮耀武宣威使蠢茲小醜伏斧鑕於天

朝蒙爾朝鮮荷旃幪於上國膚功克樹  
露布蚤聞斯稱朕委任之意爾其欽承  
之故勅

萬曆二十年九月二十六日

華夷沿海圖序

歲在赤奮余受

上命建節青兗之墟不佞過計畿封密邇江淮外控遼海內環脫有駭獸微輸為難爰飭將吏訪先臣湯信國之故智與吾所成海圖出而商度品處焉校武海濱軍容與蜃市相映亦庶乎旌旗改色也亡何蜚語至京師而朝鮮且告急矣二三巨公不以流言罪余而訝余之識先一飯也力請於朝

聖天子特勅昌經畧四鎮云昌拜命更退而思尸審知地圖管子以為主兵要務譬之奕衣置不疏遠而斤


斤守邊隅吾知不能勝偶美彼僭奴者舍吳楚沃壤  
偏兇威於麗國豈真左計失當哉狡算得無以我  
明甸服幽燕北虜繞右脅而撫其背吾將盤左腹而扼  
其吭也不爾則


世宗朝犯江南獲子女玉帛何限胡今規規侵吾荒服  
也哉上兵伐謀攻心為急存亡振旅萬世稱義焉為  
今之計彼將卒方驕情巢穴未固我集士馬風掃霆  
轟何難為彼奴司命謬議適符廟算於是誓師渡江  
按圖據險伏奇轉餉焚彼困倉分兵深入寧非審知  
地利之明驗也乎冒不佞入關繪圖為說進之


主上或萬幾之暇可覽而知也圖由遼以迄閩廣萬有  
四千里信國公之規畫真如碁置犬牙盤錯遵海之  
濱島列門戶大抵貴截之外洋不止株守內地已也  
安東而南不在節制內安東而北散見條置諸䟽茲  
說姑陳其槩倭舶由薩摩州開洋厯五島越琉球而  
南犯過南沙入大江則瓜儀常鎮矣洋山而北則太  
倉矣洋山而南則臨觀錢塘矣過韭山海關門而犯  
溫州也循舟山之南而犯定海也象山也昌國也台  
州也正南則廣東也稍西則福建也由大洋而西北  
入犯則淮揚登萊矣正北入犯則天津遼陽矣惟風

所使倭聽命於帆而倭不能自命也昔人以彼寇江南為便寇江北為弗便此正從五島一路籌之耳今時則不然審輿圖諳海勢矣洋愈大則水波愈惡島之寬隘不等或不能多藏舟以故大犯江南非倭之利也由對馬島入釜山以寇朝鮮則晨發夕至跂足可望焉朝鮮介居海中自遼海旅順山勢直趨東南如人吐舌然南北長四千里窮島之盡為千里者幾五濟州島與吾狼山海門相對障絕日本不得直渡東保薊遼者麗國之力也東西廣可二千餘里全羅慶尚則又彼國之門戶也日本欲犯吾四鎮必轉全

羅地角候風反而行即放舟入大洋不能借風倒入也壯哉天險外護神京金湯之固不至此矣若全慶失守是亡朝鮮已亡朝鮮陸路可犯遼然不足慮遼地平夷騎兵可騁清野蹂之且立盡矣况仰攻山海關尤非易水路則洛東漢水臨津晴川大定大同鴨綠諸江分舟四出撓吾四鎮沿海島寨兵力何以處分此余所以亟請累疏欲暫戍全慶以俟麗兵之强者執此之故也披圖而玩海以內海以外如觀掌中葉物不待深惟力索可逆覩要領矣又何俟予之喋喋耶







經界在國界

圖

聖賢圖



朝鮮圖

